

Кузь нэм да бур шуд!



Эжва йывлөн слава

Лидия Серафимовна Карманова

Чужис 1950 вося март 18 лунö Сыктывкарын. Коми государственной пединститут помалом бöрын уна во велöдис Помöсдинса шöр школын.

Бур уджысь сетисны Российской Федерациялөн общöй образованиеса пыдди пуктана уджалысьлысь ним, «Уджывса ветеран» медаль да почёт грамотаяс.

Кувсис 2009 вося январ 24 лунö Помöсдинын.



Дардир

Эжва йывса войтырлөн газет

Петö 1929 восянь

Четверг, 2011 вося ноябр 17 лун 138 (10413)-öд №

Йöз
мывкыдöн
эн ов

(коми шусьöг)

ТÖДÖЙ, МЫЙ ВЫЛЫС

РАЙСÖВЕТЛÖН ЧУКÖРТЧЫЛÖМ

Ноябр 14 лунö чукöтчылысны райсöветса депутатъяс.

Некымын сёрнитанторйысь медшöрöн вöли районса юралысь Д.А.Шатохинлөн öкмыс төлысьöн районлөн социально-экономической воськовъяс йылысь висьтасöм.

Депутатъяс сіджö кывзисны районса администрацияысь экономика да вот юкөнön веськöдлысь И.Е.Гулыниналысь ичöt да шöр бизнеслөн сöвмöм йылысь юöртöм да вöзйисны ассыныс мөвпъяс.

ВИЧМÖДАСНЫ УНДЖЫК

Районса администрацияын мунис туйяс бурмöдöм йылысь сёрни.

Республикаса туй агентствоон веськöдлысьöс вежысь В.А.Пронин висьталис, мый вöчасны матысса восяын. Тöдчöдис, мый мукöд воын серти вичмöдасны унджык сöм. Тöдчымöн вермас содтысьны «Монди СЛПК».

НЬÖБАСНЫ ВЫЛЬ ТЕХНИКА

«Монди СЛПК» акционер котыр локтан воын кöсйö ньöбны квайт миллион евро дон вöр заптан техника - харвестеръяс да форвардеръяс.

Кызди висьталис предприятиеысь вöрөн могмöдöм кузя директор Михаил Журба, сöм торйöдöма нин. Важ техникасö оз шыбитны, окотитысьяс вермасны сийöс босьтны көртымö либö ньöбны.

Асланым да общ. корреспондентъяс.

ТАЛУН УЧАСТКÖВÖЙЛÖН ЛУН



Талун ассыныс праздник - участкöвöйлысь лун - пасъясны районса участкöвöй уполномоченнойяс. На лыдзын и полицияса старшöй лейтенант Р.И.Лодыгин. Рудольф Иванович чужис да быдмис Парчын. Немдінса шöр школа помалом бöрын йитис ассыс олмöс милициякöд. 2008 воын помалис милициялысь Сыктывкарса школа да босьгис уджавны участкöвöй уполномоченнойöн Кебангёлын. Неважөн сылы сетисны старшöй лейтенант звание.

- Районын оз тырмыкык участкöвöй уполномоченной. И меным нöшта сетисны видзны общественной пöрадок Керчомъяын, Паспöмын да Носимын, - висьталис Р.И.Лодыгин.

Рудольф Ивановичлы сöмын на 23 арöс. Сылöн ставыс на водзын. Медшöр могөн лыддьö водзö велöдчöм. Мед ставыс збыльмас.

Гижöд да снимок Николай ЛЮТОЕВЛÖН.

ЖИРИНОВСКИЙЛЫ КОМИÖ ТУЙЫС ТУПКЫСИС

Ноябр 7 лунö «Россия» телеканал вылын петкöдчигөн ЛДПР-өн юрнуöдысь В.Жириновский шуис, мый коми йöз увтыртöны республикаын олысь мукöд национальносъта йöзöс, торйөн нин лёка овсьö рочьяслы. Татшöм сөрöмыс эз коль донъявтöг.

Кызди юöртис республикаса юралысьлөн да правительстволөн пресс-служба, республикаысь национально-культурной автономиясö пырысьяскöд аддзысьлгөн, кодъяс корисны примитны В.Жириновский кузя мера, республикаса юралысь Вячеслав Гайзер кывкöртис: «Федерациялөн тшупöда политик, кодi нöшта и Госдумаса юралысьöс вежысь, тöдмөн сөрö нинöмабусö. Татшöм ногөн сийö сьлыштис эз сöмын коми народ, а ставнас мян республика вылö. Ме «Коми войтыр» да национально-культурной автономияслөн делöяс кузя консультативной сöвет дор. Талунсянь господин Жириновский исполнительной власьтлы, медым кутны официальной йитöдъяс, - ковтöм морт. Сэтчöдз, кытчöдз оз кор проща республикалысь да тани олысь йöзлысь».

В.Жириновскийлөн вывтiасöмыс

дойдiс сёлöмгьяссö и Кулöмдiн районса йöзлысь.

«Ичöt вежöра, яндысьтöм бутгыля тайö мортыс, кодлы лöсялö сöмын петкöдлыны серам аскöдбöмгьясыскöд тусокаяс вылын, дыр нин вöчö ставсö сы могысь, медым мян государство эз сöвмыс, а киссис дзикöдз. Национальносет серти народöс увтыртöм либö лэптöм вайöдö, кызди петкöдлö история, медся ыджыд трагедиясöдз. Коми йöз нэмсö вöлины шаньöс, бöргья нянь шöрöмсö ли дөрöмсö сетлисны локтысьяслы, рочьяс кöть кодъяс найö, да тайөн шедöдисны век кежлö пыдди пуктöм. Татшöм моральной урöдъяс, кызди В.Жириновский, мянлысь, комиялысь, мукöд йöзкöд ертасöмнымöс оз торкны. Ропкылам жö эськö, мый быдсямаясыс локтiсны, но стениö ог кайöй, сы вöсна мый гöгöрвоам: историялысь мунанногö верман вежны сöмын вирөн, а тайö мянлы ни некодлы оз ков.

Чуксала Эжва йылын олысь войтырöс, став национальносъта йöзöс, водзö кутчысьны öтсöгласөн да кывны бур сыланкыв, а оз «кöингьялысь» омлялöм», - ассыс кыв шуис поэт да композитор, «Пама гор» газетса главной

редактор Василий Лодыгин.

«Коми войтырлөн» Кулöмдiн районса представительствöон веськöдлысь Надежда Русинава донгьялис тадзи: «Татшöм тшупöда политиклы, кызди В.Жириновский, колö эськö кывтö шуны бура мөвпыштöмөн. Аслас шуöмөн сийö увтыртис эз сöмын коми войтырöс, но и мукöд национальносъта йöзöс, кодъяс олöны Коми республикаын. Та вöсна ми дивитам ЛДПР-өн юрнуöдысьöс лöсявтöм сёрниысь да кутам лача, мый сийö корас Коми республикаса олысьясöс янöдöмысь проща».

Антонина Кузнецова - республикаса юралысьлөн общественной примитанiнлөн Кулöмдiнса юкөнön веськöдлысь: «Сёлöмгьяс пузисны В.Жириновскийлөн шуöмысь. Сылөн сёрниысь поэзö кывкöртны, мый Коми республикаö волгөн сийö ветлис сöмын юр дурмöдан местаясö, эз пыравлы республикаса филармонияö, коми культуралөн шöринö, В.Савин нима академической драма театрö, Сыктывкарын «Коми войтырлөн» представительствöö, Сыктывкарса государственной университетö, республикаса сиктъясö.

Миян радлö лов, мый олам Коми

республикаын, мый эм асланым кыв, культура.

Талун республикаса власьт кутö туйвизь, медым кутны да водзö сöвмöдны коми традицияс, культура да чужан кыв. Республикаса садъясын да школаясын велöдöны коми кыв да содтöны сийöс велöдöм могысь нöшта öти час.

Ми лыддыам, мый сэтшöм политиклы, кызди В.Жириновский, оз туй лёка сёрнитны коми войтыр йылысь. Та дырйи сылы колö кутны тöдвылын, мый Коми республикаын и Кулöмдiн районуын эмöсь сийö партиялөн юкөнъяс».

Рем Ракин - Кулöмдiн районуын мортлөн правояс кузя уполномоченной: «Коми республикаын олöны сёсыс унджык национальносътö пырысь йöз да олöны бура лöсялöмөн, зыксьытöг. Комияс кызвыннас олöны сиктъясын, районас школаясын велöдöны коми кыв.

Ми, Коми республикаын олысьяс, вöзъям В.Жириновскийлы волены республикалөн кöть кутшöм районö, тшöтш и Эжва йылö, аддзысьлыны йöзкöд да тöдны збыльсö».

Асл. корр.

Кандидат в депутаты Госдумы РФ

Михаил
Брагин

4 декабря

ТОЛЬКО

ЛДПР

ЗА

Обновление власти!

Равенство регионов!

Отмену привилегий Кавказу!



Публикуется бесплатно на основе жеребьёвки.

БӨРҮҮ АССЫНЫМ



БОСЫТЧЫЛІС ВИТ ТУПӨССЯНЬ

Бура уджало Кебангъёлысь Н.И.Зубколон нянь пожаланин, быд лун лэдзэ 300 гөгөр тупөсь нянь, батонгъяс, ковдумгъяс да с.в. Эмөсь аслас Кебангъёлын да Куломднын магазингъяс. Унаон чайтöны, мый Нина Ивановналы ставыс сетчис кокниа, но збыльвылас вöли сьöкыд.

Кебангъёлы сийö локтис 1979 воын торгово-кулинарной училище помалом бöрын. Уджалис Усть-Куломской леспромхозлон орсса столовойын кондитерон. 1991-öд воын орс вöсьтис вöлөгä вöчанин да вуджис уджавны сэтчö. Сизим во мысти орс тупкыс да удж бырис.

- Верöс пöгибнитис да сэки олi отнам кык дзöла челядьöн, - казтылис Нина Ивановна. - Уджавтöг овны вöли некыдз. Күти корсыны озырджык пред-

принимательöс, медым босытис цехсö аслыс, но некод эз кöсйи. А.В.Русинов вöзйис босытчыны аслым. Велöдам пö, мыйон вермам, отсалам. Со и босытчи, лои ас вылö уджалысьöн.

Орслыс цехсö кутшöм-скорö оборудованиöн босытис кöртымö. Медым вештысьны сысыс, ас вылас босытис кредит А.Русинов. Кольöм удждон весьтö орс сетис кык тонна пыз, дрожжи да сов коляс. Ньöбны содтöд пыз отсалыны ас вылö уджалысьяс А.Русинов да В.Бумбу.

Н.И.Зубкокод öтув босытчис уджавны М.А.Лютоева (найö öтлаын уджавлысны орсын). Босытчигон нянь шом гидравличесны киясöн, пöжавлысны 5-10 тупöсь да нулысны магазингъясö сумкасын. Медводз инавлысны на

пыр, кодгъяскөд вöли бур йитöд орслон. Нянь кутис инасны бура да пыр содтысисны, воисны сё тупөсьöдз. Нянь разöдны кутисны медавлыны машина. Пöжасысыяслон «Пекоцентр» гильдия пыр бöрынджык ньöбисны нянь шом гидралан да пöжасян пач. Вузасьöм-он петисны юрисктса магазингъясö. Нянь кындзи унджык кутисны вöчны быдсикас пöжас: пирöг, булки, печенньö, преник да с.в. Лоис сьöм да ньöбисны нянь новлан машина.

- Мый колгыс орслон, ставсыс вочасон вештысим, - водзö висыталис Нина Ивановна. - Кольöм воын ньöбим стрöйбалыс мöд джынсö.

Нина Зубко босытис содтöд уджалысыясöс. Мария Лютоева, кодкөд

босытчылысны уджавны, талун производствöн веськөдлыс. Дыр нин уджалöны пöжасянинын Н.Баранова да В.Попова. Көть Нина Зубко ачыс бухгалтер, сылыс уджсö öкмыс во нин отсалö вöчны З.Логина. Отсасыны верöсыс (вылыс петис верöс сайö), Пётр Тимусhev да Николай пиыс, кодi веськөдлö «Вельтор» магазинöн. Ставыс уджалö 20 морт.

Н.Зубко аслас няньöн да быдсикас пöжасон петавлö ярмаркаяс вылö да петкөдчö конкурсыясын. Сылыс предприятиесö пасйöма 20 гөгөр дипломон да аттöбалана письмöн.

Эскысысö, мый предприятие совмас водзö, лас сы кодз жö котыргъяс пöвстын медбурöн.

Иван ТАРАБУКИН.
Снимок авторлөн.

БИЫСЬ КОКНИДЖЫК ВИДЗЧЫСЬНЫ

Неважөн на Керчомгъяын тшын-йыв кайис олан керка. Öзйöм йылыс юөр воис «01» службаö сизим час рытын. Квайт минут мысти кусöдчысыяс вöлины нин ыпгъялыс оланин дорын. Керка вевтсö дзоньнас нин нюлис би. Квайтымын арöса көзъяйкалы петны ывлаö отсалысны суседьясыс, а эмбурсö петкөдны эз удитны. Öзйöм йылыс юөртыны сёрон да кусöдчысыяслы колис сöмын кусöдны керка стенгъяс. Öзйöма би провод туйтöма лөсьöдöмыс.

Тшöкыда йöз мыжалöны кусöдчысыясöс: то сёрон воöмаöсь, то абу вöлöма машинаын ва, то нöшта мыйкö. Кусöдчысыясöс увтыртöны век. Збыльсö висыталö биыс видзчысян службалон 14-öд отрядон веськөдлыс Н.Расов:

- Звöнок триньöбтöм бöрын кусöдчысыяс дзык пыр дасысь локны отсöг вылö. Пасытасьöм вылö мунö сöмын 45 секунд. Кусöдчысыяс быд тöлыс петкөдлöны нормативгъяс олöмö пöртöм кузя сямлун.

2010 воын примитöма технической регламент, көнi урчитöма кусöдчан часытыянь сотчöминöдз вöдчöм вылö кад. Сидз, сиктса кусöдчысыяслы индöма вöдчыны 20 минутон. Медым эз ыджыдав би, бөргъя кадö уналаын вöсьтöны кусöдчаныгъяс. Кольöм воын вөссис депо Керчомгъяын. Водзö вылö дасытысям котыртны кусöдчан часыт Ручын.

Воыс воö ми сöвмам да выльмöдам техниканымöс. 14-öд отрядлы вичмис нин 9 выль УРАЛ, кодгъясö төрö 6,8 да 9 тонна ва. Быд машинаын эм «Турбоматик» ствол. Сы отсöгон позьö содтыны ли чинтыны валыс петан öд. Би кө ыпгъялö ёна, кусöдчыс öти секундон лэдзö квайт литра ва, сöмын кө чусалö, чинтö кык литраöдз.

Лөкджык серпас ва босытанингъясон. Найö колöны быд сиктын, грездын да посёлөкын, но збыльвылас абуöсь. Сьöм абутöм вöсна меставысва администрацияяс оз вермыны ни дзоньтавны, ни вöчны выльясöс. Кусöдчигон вала ковмылö ветлыны орчча сиктö, мый вылö



мунö уна кад, и керка сотчö дзыкөдз. Районын куимсё гөгөр ва босытанин, но нелямыныс туйтöмөсь.

Кусöдчысыяслы зэв лөсьялö йöзлөн отсöг. Ми ышöдам меставысва администрацияясöс лөсьöдны ас окока серти кусöдчыс котыргъяс. Коми республикаса правительство дасы отсавны. Тавося сентябр 30-öд лунö республикаса юралыс кырымалис кусöдчысыясöс техникаон мөгмөдöм кузя 2012-2014 вояс кежлö программа. Сы серти сиктгъясын лөсьöдöм ас котыргъяслы вичмөдасны автоцистерна либö мотопомпа республикаса бюджет весьтö. Сиктса веськөдлысыяслы колö пырöдчыны тайö программаö.

Воис тöv. Йöз ёна ломтöны пачыяс, оз колана ногон лөсьöдны сидз шусяна «буржуйкаяс», шонтöны керка жыргъяс электроприборгъясон. Кора колана ногон лөсьöдны да дөзбөритны пач, видзöдлыны гөгөрбок электропроводка. Абу кө сиктаныд кусöдчыс ас котыр, шьöдчöй сиктса юралыс дорö да корöй, медым дасытас колана кабалаяс. Велöдöй видзчысыясöмөн овны челядьöс. Эн кольöй син уланыс истöг, велöдöй вöдитчыны газ плитаон, микроволновкаон, чайникон. Пыр кутöй тöдвылын, мый кусöдöм дорыс биыс кокниджык видзчысыны.

Елена ЛОДЫГИНА.

